

# **Waterlands**

---

## **Archief**

---

### **Transcriptie bron *Verhuur Waarderbroek***

(Archief 0649 Stad Edam, (1310) 1357-1813 (1822), inventarisnr 985)

#### **Transcriptie:**

Willem, grave van Henegouwen van Henegouwen, van Hollant van Zeland ende here van Vrieslant, ende Jan Persin, haer Clais Persinzone  
maken cond allen luden dat wi ghemeene verhuert hebben den ghemeenen kerspel van Adam, de Waerdre brouch  
die wi ghemeene hebben legghende in den Zeenvanc, te houdene van Sinte Jans daghe te ut gaenden oegste die  
naest comt in hondert jare daer na comende, omme neghentich pont Hollants siaers, den groete Tornaise  
voer achte penningen, die si ons ghemeene ghelden zullen jaerlicx des sonnedaghe na Sinte Jans daghe te  
ute gaende oeste. Ende also van jare te jare also langhe als die hondert jare voerseit gheduren. Ende  
't ghemeene kerspel van Adam vorseit die zullen den broec, diken, dammen, sloten ende watringhe legghen des  
kerspele oerbaer van Adam. Ende dese hure vorseit zulle wi hem waeren ende hare nacomelinghen van ons  
ende van onsen nacomelinghe die hondert jare vorseit. In oerconde desen brieve bezeiglet met onzerbeide zei  
zeigle. Gegeheven t Alebrechtsbergh, des manedaghens voer half meije, int jaer ons heren op M.CCC ende tiene.